

ქ. თბილისის მუნიციპალიტეტის გლდანის რაიონის გამგეობა



ქ. თბილისში, გლდანის რაიონში გზების შეკეთების და შიდაკვარტალური ეზოების მოწყობა-რეაბილიტაციის სამუშაოების დეფექტური აქტების, ტექნიკური დავალებების და ხარჯთაღრიცხვების შედგენის მომსახურება

გამარტივებული ელექტრონული ტენდერის
სატენდერო დოკუმენტაცია

CPV -71320000

ქ. თბილისი
2015 წელი

1. ინსტრუქცია ტენდერში მონაწილეობის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 შემსყიდველ ორგანიზაციაში წარმოსადგენი ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 სატენდერო დოკუმენტაციაში განსაზღვრულ შესასყიდ საქონელზე, სადაც მითითებული იქნება კონკრეტული სასაქონლო ნიშანი, მოდელი, წარმოშობის წყარო ან მწარმოებელი (ასეთის არსებობის შემთხვევაში) იგულისხმება „მსგავსი“ ან „ეკვივალენტური“.

1.7 სატენდერო წინადადებაში ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

1.8 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.9 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის – „კითხვა/პასუხის“ მეშვეობით, ან/და სატენდერო კომისიის აპარატში, მის: ქ. თბილისი, სარაჯიშვილის ქ. №1ა

საკონტაქტო პირი: ნანა ლომჯარია: 2-318-980.

ტექნიკურ საკითხებთან დაკავშირებით საკონტაქტო პირი დავით გაბადაძე: 2-318-925

2. ტექნიკური დოკუმენტაცია

2.1 შესყიდვის ობიექტის აღწერა:

2.1.1. რაიონის ტერიტორიაზე გზების შეკეთების და შიდაკვარტალური ეზოების სარეაბილიტაციო სამუშაოების დეფექტური აქტების, ტექნიკური დავალებების (ტოპოგადაღებით და ნახაზებით) და ხარჯთაღრიცხვების შედგენის მომსახურების შესყიდვა:

გამგეობის მიერ შესასრულებელი სამუშაოების მოცულობები, რომელზეც უნდა იქნას გაწეული მომსახურება:

№	შესასრულებელი სამუშაოს დასახელება	განზომილება	სავარაუდო რაოდენობა
1	ასფალტის საფარიანი გზების შეკეთებისა და შიდა ეზოების რეაბილიტაციის სამუშაოები	კვ.მ	55000
2	გზების მოხრეშვის სამუშაოები	კვ.მ	5000
3	სანიაღვრე ქსელის მოწყობა	გრძ.მ	400
4	ცემენტ/ბეტონის საფარის მოწყობა	კვ.მ	1000
5	ქვანაპირის საფარის მოწყობა	კვ.მ	1000
	სულ ჯამი დღგ-ს ჩათვლით		

2.1.2. შემსყიდველის მიერ მითითებულ ობიექტზე გასვლა, აღმოჩენილი დეფექტების აღმოფხვრის მიზნით საჭირო ჩასატარებელი სამუშაოების მოცულობების დათვლა, დეფექტური აქტების (საჭიროების შემთხვევაში სანიაღვრე სისტემის გათვალისწინებით) საგზაო სამოსის კონსტრუქციის და ტექნიკური დავალებების და ხარჯთაღრიცხვის შედგენა. ტექნიკური დოკუმენტაცია უნდა შეიცავდეს შემდეგ ინფორმაციას:

- კონკრეტული ობიექტის ტოპოგადაღება, გეგმა მასშტაბში, დეფექტური აქტი, საჭიროების შემთხვევაში ვერტიკალური დაგეგმარება ან გრძივი და განივი პროფილების შედგენა;

- ტექნიკური დოკუმენტაციით გადაწყვეტილი უნდა იყოს: წყლის აცილების ღონისძიებები, საჭიროების შემთხვევაში შესაბამისი ქსელის მოწყობა და მიერთება, ეზოებში შესასვლელების, ბორდიურების, ტროტუარების მოწყობა;

- კონკრეტული ობიექტის (მისამართის) შესაბამისი შესასრულებელი სამუშაოების ხარჯთაღრიცხვა (საჭიროების შემთხვევაში სანიაღვრე ქსელის გათვალისწინებით);

- რელიეფის გეოლოგიური კვლევის ჩატარება (საჭიროების შემთხვევაში, არაუმეტეს 5 მისამართი);

2.1.3 აღმოჩენილი დეფექტების აღმოფხვრის მართლზომიერად განხორციელების მიზნით ადგილობრივ მოსახლეობასთან ურთიერთობა, ინფორმაციის მოპოვება და მათთან მიზნობრივი კოორდინირება.

2.1.4 შესასრულებელი სამუშაოების დეფექტური აქტების და ხარჯთაღრიცხვების შედგენისას მიმწოდებელმა უნდა იხელმძღვანელოს ქვეყანაში მოქმედი ნორმებითა და სტანდარტებით.

2.1.5 საინფორმაციო მონაცემთა ბაზის წარმოება (სანიაღვრე ქსელებისთვის) დაარქივების მიზნით და შემდგომ ამ ბაზის შემსყიდველისათვის გადაცემა როგორც ბეჭდური, ასევე ელექტრონული ფორმით;

2.1.6 შესყიდვის ობიექტის კონკრეტული მისამართი და გასაწევი მომსახურების ვადა შემსყიდველის მიერ გადაეცემა მიმწოდებლის ეტაპობრივად.

2.1.7 მიმწოდებლის მიერ სრული დოკუმენტაციის წარმოდგენა უნდა მოხდეს ელექტრონული ვერსიით (DWG და PDF ფორმატში) და ნაბეჭდი სახით (ოთხ ეგზემპლარად);

2.2 გამოცდილება

პრეტენდენტს 2013 წლის 1 იანვრიდან დღემდე უნდა გააჩნდეს მინიმუმ 40000,0 (ორმოცი ათასი) ლარის ანალოგიური მომსახურების გამოცდილება (გზების შეკეთება-რეაბილიტაციის სამუშაოების დეფექტური აქტების შედგენა ან გზების მოწყობა-რეაბილიტაციის (კაპიტალური შეკეთების) სამუშაოების საპროექტო-სახარჯთაღრიცხვო დოკუმენტაციის შედგენა). სატენდერო წინადადებასთან ერთად ატვირთულ იქნას დამადასტურებელი დოკუმენტაცია (ხელშეკრულებ(ებ)ი, მიღება-ჩაბარების აქტ(ებ)ი, დანართი N3).

2.3 მოთხოვნები პერსონალის კვალიფიკაციის შესახებ:

მინიმალური საკადრო კვალიფიკაცია (დანართი №4):

- კვალიფიციური კადრებით დაკომპლექტებული 2 (ორი) ჯგუფი;
- ჯგუფში მინიმუმ 1(ერთი) საგზაო ინჟინერი, სულ მცირე 5 წლიანი სათანადო გამოცდილებით;
- ჯგუფში მინიმუმ 2(ორი) ინჟინერის დამხმარე, მსგავს სამუშაოებში არანაკლებ 1 (ერთი) წლიანი სათანადო გამოცდილებით;

2.4 შესყიდვის ობიექტის მიწოდების პირობები:

- 2.4.1 მომსახურების გაწევის ვადა: ხელშეკრულების გაფორმებიდან ეტაპობრივად, 2015 წლის 30 სექტემბრის ჩათვლით.
- 2.4.2 გასაწევი მომსახურების კონკრეტული მისამართი (გლდანის რაიონის ტერიტორიის ფარგლებში) და მიწოდების ვადა შემსყიდველის მიერ ეცნობება მიმწოდებელს ეტაპობრივად;
- 2.4.3 დეფექტური აქტისა და ტექნიკური დოკუმენტაციის მიღება-ჩაბარების აქტი გაფორმდება ექსპერტიზის დადებითი დასკვნის შემთხვევაში (ექსპერტიზის მომსახურება განხორციელდება ა(ა)იპ „თბილისის მუნიციპალური ლაბორატორიის“ მიერ).
- 2.4.4 მომსახურების გაწევის ადგილი: ქ. თბილისი, გლდანის რაიონის ტერიტორია.

2.5 ანგარიშსწორების პირობები:

- 2.5.1 ანგარიშსწორება მოხდება უნაღდო ანგარიშსწორებით ლარში.
- 2.5.2 ანგარიშსწორება მოხდება ეტაპობრივად, მიმწოდებლის მიერ მიღება-ჩაბარების აქტის გაფორმებიდან 15 (თხუთმეტი) სამუშაო დღეში.
- 2.5.3 ანგარიშსწორებისათვის მიმწოდებელმა მიღება-ჩაბარების აქტთან ერთად უნდა წარმოადგინოს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.
- 2.5.4 საავანსო ანგარიშსწორება არ გამოიყენება.

2.6 პრეტენდენტის მიერ ერთიან ელექტრონულ სისტემაში ასატვირთი მონაცემები:

- 2.6.1 გასაწევი მომსახურების ხარჯთაღრიცხვა (დანართი №1)
- 2.6.2 რეკვიზიტები (დანართი №2)
- 2.6.3 ინფორმაცია ანალოგიური მომსახურების გამოცდილების შესახებ დამადასტურებელი დოკუმენტებით (დანართი N3)
- 2.6.4 ინფორმაცია საპროექტო ორგანიზაციის პერსონალის კვალიფიკაციის და გამოცდილების შესახებ (დანართი N4).

შენიშვნა: პრეტენდენტის მიერ სატენდერო წინადადების წარმოდგენა ნიშნავს, რომ იგი ეთანხმება შემსყიდველის ყველა იმ მოთხოვნას, რომელიც აღწერილია სატენდერო დოკუმენტაციაში.

1. სახელმწიფო შესყიდვის შესახებ ხელშეკრულება

/ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში/.

ქ. თბილისი

— ————— 2015 წელი

1. ხელშეკრულების დამდები მხარეები

ერთის მხრივ ქ. თბილისის მუნიციპალიტეტის გლდანის რაიონის გამგეობა (შემდგომში – შემსყიდველი), წარმოდგენილი ---- სახით და მეორეს მხრივ ---- (“შემდგომში მიმწოდებელი”), წარმოდგენილი ---- სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

2. ხელშეკრულებაში გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

2.1 ‘დღე’, ‘კვირა’, ‘თვე’ - ნიშნავს კალენდარულ დღეს, კვირას, თვეს.

2.2 დანართი – ნებისმიერი დამატებითი მასალა (წერილობით შედგენილი), რომელიც თან ერთვის ხელშეკრულებას. დანართი, რომელიც თან ერთვის ხელშეკრულებას წარმოადგენს ხელშეკრულების განუყოფელ ნაწილს.

3. ხელშეკრულების (შესყიდვის) ობიექტი, შესყიდვის საშუალება, ხელშეკრულების ღირებულება, ხელშეკრულების ძალაში შესვლა და მოქმედების ვადა

3.1 ხელშეკრულების (შესყიდვის) ობიექტია - ქ. თბილისში, გლდანის რაიონში გზების შეკეთების და შიდაკვარტალური ეზოების რეაბილიტაციის სამუშაოების დეფექტური აქტების და ტექნიკური დოკუმენტაციის შედგენის მომსახურება.

3.2 შესყიდვის საშუალება – გამარტივებული ელექტრონული ტენდერი;

3.3 ელექტრონული ტენდერის განცხადების ნომერი SPA ----- ;

3.4 ხელშეკრულების ღირებულება შეადგენს ---- ლარს, ყველა გადასახადის ჩათვლით;

3.5 კლასიფიკატორის კოდი - 71320000;

3.6 ხელშეკრულების მოქმედების ვადა -----

4. მომსახურების გაწევის ვადა და ადგილი

4.1. მომსახურება განხორციელდება ეტაპობრივად, შემსყიდველის მოთხოვნის შესაბამისად, ხელშეკრულების გაფორმებიდან 2015 წლის 30 სექტემბრის ჩათვლით.

4.2. გასაწევი მომსახურების (ქ. თბილისის გლდანის რაიონის ტერიტორიის ფარგლებში) შესახებ დავალება კონკრეტული მოცულობის, ობიექტის და მომსახურების გაწევის კონკრეტული ვადების მითითებით შემსყიდველის მიერ გადაეცემა მიმწოდებელს ეტაპობრივად;

4.3 მიმწოდებლის მიერ სრული დოკუმენტაციის წარმოდგენა უნდა მოხდეს ელექტრონული ვერსიით (DWG და PDF ფორმატში) და ნაბეჭდი სახით (ოთხ ეგზემპლარად);

4.4 მიწოდების ადგილი – ქ. თბილისი. გლდანის რაიონის ტერიტორია.

5. ანგარიშსწორება და ანგარიშსწორების ვალუტა

5.1 ანგარიშსწორება მოხდება უნაღდო ანგარიშსწორებით ლარში.

5.2 ანგარიშსწორება მოხდება 2015 წლის ადგილობრივი ბიუჯეტის სახსრებით მიღება-ჩაბარების აქტის წარმოდგენიდან 15 (ათი) სამუშაო დღეში.

5.3 წინასწარი ანგარიშსწორება არ გამოიყენება.

6. ხელშეკრულების შესრულების კონტროლი (ინსპექტირება)

6.1 ხელშეკრულებით ნაკისრი ვალდებულებების შესრულების პერიოდულ ინსპექტირებას და კონტროლს ნებისმიერ ეტაპზე ახორციელებს შემსყიდველი.

6.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქ. თბილისის გლდანის რაიონის გამგეობის ინფრასტრუქტურის განყოფილების თანამშრომლები.

6.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

7. შესყიდვის ობიექტის მიღება-ჩაბარების წესი

7.1 შესყიდვის ობიექტი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

7.2 საპროექტო დოკუმენტაციების მიღება-ჩაბარების აქტი გაფორმდება ექსპერტიზის დადებითი დასკვნის შემთხვევაში. (ექსპერტიზის მომსახურება განხორციელდება ა(ა)იპ „თბილისის მუნიციპალური ლაბორატორიის“ მიერ).

7.2 ხელშეკრულების შესრულების კონტროლზე, ტექნიკურ ზედამხედველობაზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირებს წარმოადგენენ წინარე ხელშეკრულების მე-6 მუხლის 6.2 პუნქტში მითითებული პირები.

7.3 შესყიდვის ობიექტის მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

7.4 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

8. მომსახურების ხარისხი და გარანტია

8.1. მიმწოდებელი იძლევა გარანტიას, რომ მომსახურება განხორციელდება ტექნიკური პირობებით განსაზღვრული მოთხოვნების შესაბამისად;

8.2. შემსყიდველი ვალდებულია დაუყოვნებლივ აცნობოს მიმწოდებელს მომსახურების გაწევის შედეგად რაიმე წუნის (ხარვეზის) აღმოჩენის შესახებ.

8.3. შეტყობინების მიღების შემდეგ მიმწოდებელი ვალდებულია 3 კალენდარული დღის განმავლობაში საკუთარი ხარჯებით აღმოფხვრას აღმოჩენილი წუნი (ხარვეზი).

9. ფორს-მაჟორი

9.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

9.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემზარგოს დაწესებით, საბიუჯეტო ასიგნებების მკვეთრი შემცირებით და სხვა.

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

9.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

10. ხელშეკრულების პირობების შეუსრულებლობა

10.1. ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები.

10.2 ხელშეკრულებით ნაკისრი ვალდებულებების შეუსრულებლობის ან შემსყიდველის მიერ მითითებულ მომსახურების გაწევის ვადის გადაცილებისათვის მიმწოდებელს დაეკისრება პირგასამტეხლოს გადახდა, _ ყოველ ვადაგადაცილებულ დღეზე გასაწევი მომსახურების ღირებულების 0.2%-ის ოდენობით.

10.3 წინამდებარე ხელშეკრულებით გათვალისწინებული ვალდებულებების ორჯერ დარღვევის ან შემსყიდველის მიერ განსაზღვრული მომსახურების საბოლოო ვადის 15 კალენდარულ დღეზე მეტი ვადით გადაცილების ან ხელშეკრულების შეწყვეტის შემთხვევაში მიმწოდებელი დაჯარიმდება ხელშეკრულების ღირებულების 5% -ის ოდენობით.

10.2. თუ შემსყიდველი არ ასრულებს წინამდებარე ხელშეკრულების მე-5 მუხლის 5.2 პუნქტის მოთხოვნებს, დაეკისრება პირგასამტეხლო ჩასარიცხი თანხის 0,2%-ის ოდენობით ყოველ ვადაგადაცილებულ დღეზე.

10.3 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10.4 საჯარიმო სანქციით დაკისრებული თანხა გადახდილი უნდა იქნეს მხარისათვის (მიმწოდებელი) აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან 1 თვის ვადაში.

11. ხელშეკრულების შეწყვეტა

11.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროდანდ შესრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

11.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

11.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

11.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

11.5 შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ აგრეთვე:

ა) მიმწოდებლის მიერ ხელშეკრულებით ნაკისრი ვალდებულებების ორჯერ დარღვევის შემთხვევაში;
ბ) მიმწოდებლის მიერ ხელშეკრულებით ნაკისრი ვალდებულებების 15 კალენდარულ დღეზე მეტი ვადით გადაცილების შემთხვევაში.

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) საქართველოს კანონმდებლობით გათვალისწინებულ სხვა შემთხვევებში.

11.6 ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

12. ხელშეკრულებაში ცვლილებების შეტანა

12.1 ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

12.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლებიც გამოც წარმოიშვა ხელშეკრულების პირობების შეცვლის აუცილებლობა.

12.3 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

13. უფლებების გადაცემა;

13.1 მიმწოდებელი ვალდებულია შემსყიდველს წარუდგინოს წერილობითი განცხადება მესამე პირისათვის მთლიანი ან დარჩენილი უფლება-მოვალეობების გადაცემის თაობაზე, აგრეთვე, მესამე პირის წერილობითი თანხმობა ხელშეკრულებით განსაზღვრული მთლიანი ან დარჩენილი ვალდებულებების შესრულების თაობაზე.

13.2 მიმწოდებელს არა აქვს უფლება მხარეთა (შემსყიდველი - მიმწოდებელი - მესამე პირი) წერილობითი შეთანხმების გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი.

13.3 უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

14. ღირებულება

14.1 მიმწოდებლის მიერ შემოთავაზებული შესასრულებელი ვალდებულების ფასი წარმოადგენს ხელშეკრულების ღირებულებას.

14.2 მხარეთა შეთანხმებით დასაშვებია ხელშეკრულების ღირებულების შეცვლა.

14.3 ხელშეკრულების ღირებულების პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

14.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

14.5 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

15. ხელშეკრულების შესრულების შეფერხება

15.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი

გადაწყვეტილება, მიღებული აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანით, მხარეთა წერილობითი შეთანხმების სახით.

16. ურთიერთობა ხელშეკრულების დამდებ მხარეებს შორის

16.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება დეპეშის, ტელექსის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

16.2 ტელეფონით, ელექტრონული ფოსტით ან/და ფაქსით ურთიერთობისათვის გამოყენებულ იქნება:

ა) მიმწოდებლის შემდეგი რეკვიზიტები: ტელეფონის ნომერი ----- საკონტ. პირი ბ/ქ-ნ -----, ელექტრონული ფოსტა: -----; ფაქსი (არსებობის შემთხვევაში): -----;

ბ) შემსყიდველის შემდეგი რეკვიზიტები: ტელეფონის ნომერი ----- საკონტ. პირი -----; ელექტრონული ფოსტა: -----

16.3 ხელშეკრულებაში მონაწილე ორივე მხარე ვალდებულია, ხელშეკრულების მოქმედების პერიოდში საკონტაქტო პირ(ებ)ის ან ინფორმაციის ცვლილება წერილობითი სახით აცნობოს მეორე მხარეს.

16.4 შეტყობინება შედის ძალაში ადრესატის მიერ მისი მიღების დღეს.

17. სადაო საკითხების გადაწყვეტა

17.1 ხელშეკრულების დამდები მხარეები თანხმდებიან მასზედ, რომ ნებისმიერი უთანხმოება და დავა წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ, შესაძლებელია გადაწყდეს მხარეთა გონივრული შეთანხმებით ან/და მოგვარდეს პირდაპირი არაოფიციალური მოლაპარაკებების მეშვეობით სამართლიანობის ფარგლებში.

17.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების თაობაზე შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს

17.3 ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს

17.4 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

17.5 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

18. სხვა პირობები

18.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

18.2. ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

18.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

19. მხარეთა იურიდიული რეკვიზიტები

შემსყიდველი:

მიმწოდებელი:

გასაწევი მომსახურების ხარჯთაღრიცხვა

პრეტენდენტის დასახელება _____

№	შესასრულებელი სამუშაოს დასახელება	განზომილება	სავარაუდო რაოდენობა	ერთეულის ღირებულება (ლარი)	სულ მომსახურების ღირებულება (ლარი)
1	ასფალტის საფარიანი გზების შეკეთებისა და შიდა ეზოების რეაბილიტაციის სამუშაოები	კვ.მ	55000		
2	გზების მოხრეშვის სამუშაოები	კვ.მ	5000		
3	სანიაღვრე ქსელის მოწყობა	გრძ.მ	400		
4	ცემენტ/ბეტონის საფარის მოწყობა	კვ.მ	1000		
5	ქვანაპირის საფარის მოწყობა	კვ.მ	1000		
	სულ ჯამი დღგ-ს ჩათვლით				

შენიშვნა: გასაწევი მომსახურების ფასი გამოსახული უნდა იყოს საქართველოს კანონმდებლობით გათვალისწინებული ყველა გადასახადის და შესყიდვის ობიექტის მიწოდებასთან დაკავშირებული თანამდევი ხარჯების გათვალისწინებით.

პრეტენდენტის თანამდებობა, ხელმოწერა და ბეჭედი _____

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული ფოსტის მისამართი:

მომსახურე ბანკის დასახელება

ბანკის კოდი:

ანგარიშსწორების ანგარიში:

საკონტაქტო პირი:

სახელი გვარი

ტელეფონის №

ელ. ფოსტა

პრეტენდენტის ხელმოწერა და ბეჭედი -----

ინფორმაცია
განხორციელებული ანალოგიური მომსახურების შესრულების შესახებ

პრეტენდენტის დასახელება -----

№	მომსახურების დასახელება	შემსყიდველის დასახელება (SPAN [®])	ხელშეკრულების ღირებულება	ხელშეკრულების გაფორმების თაღილი	ფაქტიურად გაწეული მომსახურების ღირებულება
1					
2					
3					
4					

შენიშვნა: პრეტენდენტს 2013 წლის 1 იანვრიდან დღემდე უნდა გააჩნდეს მინიმუმ 40000,0 (ორმოცი ათასი) ლარის ანალოგიური მომსახურების გამოცდილება (გზების შეკეთება-რეაბილიტაციის სამუშაოების დეფექტური აქტების შედგენა ან გზების მოწყობა-რეაბილიტაციის (კაპიტალური შეკეთების) სამუშაოების საპროექტო-სახარჯთაღრიცხვო დოკუმენტაციის შედგენა). სატენდერო წინადადებასთან ერთად ატვირთულ იქნას დამადასტურებელი დოკუმენტაცია (ხელშეკრულებ(ებ)ი, მიღება-ჩაბარების აქტ(ებ)ი, დანართი N3).

პრეტენდენტის ხელმოწერა და ბეჭედი -----

ინფორმაცია საპროექტო ორგანიზაციის პერსონალის კვალიფიკაციის შესახებ

პრეტენდენტის დასახელება -----

№	ხელმძღვანელებისა და სპეციალისტების თანამდებობა	სახელი გვარი	სპეციალობა სასწავლებლის დასახელება დამთავრების წელი	შრომის სტაჟი			მუშაობის გამოცდილების მოკლე აღწერა
				საერთო	სპეციალობა	ამ ორგანიზაციაში	
1	2	3	4	5	6	7	8

შენიშვნა: პრეტენდენტმა უნდა დააკმაყოფილოს სატენდერო დოკუმენტაციის ტექნიკური პირობების 2.3 პუნქტით გათვალისწინებული მოთხოვნები.

პრეტენდენტის ხელმოწერა და ბეჭედი -----